

برنجی سنه - نسخہ ۵۲

چهارشنبه

صحیفہ ۲۰۵

بر نسخہ سی ۱ غروشدہ در .

—••••—

مرکزی ابو السعود جادہ سندہ ۱۸ نومرولو دکاندر .
کوندربلہ جک اوراق معلم نامنہ اورایہ کوندربلیدر .
بوسنہ اجرئی ویرلماش مکاتیب قبول اولٹماز .

مجمع مؤلفین

بر نسخہ سی ۱ غروشدہ در .

—••••—

استانبول ایچون آہونہ یازماز . یوزاز ایچی داخل اولدیغی
حالده خارج ایچون بر سنه لک آہونہ بدلی — بوسنہ
اجرتیلہ برابر — یاریم عثمانلی لیراسیدر .

فی ۲۵ محرم سنه ۱۳۰۶

(معارف نظارتینک رخصتیہ ہفتہ در دفعہ نشر اولنور)

فی ۲۱ ایلول سنه ۱۳۰۴

۱۶ - تخلیغ

(تخلیغ لغتہ «قابناقاری آریق اولان کیسہ نک پورعی» در اصطلاحہ ذوق سلیمہ کورہ مستقل اولان بحرلہ شعر سولیکدن عبارتدر .

مثال :

(ای بت من چراہمی سوزی مرا)
(بس ہر دمی می زہم ہی کنہ)

۱۷ - زوال فی المدح

(زوال فی المدح) مدوحی بریت و یا مصرعہ بر صورتہ وصف ایدوب ایکی بیت و یا مصرعہ بابہ وصفی تزیل ایتمکدن عبارتدر .

مثال :

(ای ملک ترا عرصہ عالم سرکونی)
(وزملک توتا ملک سلیمان سرمونی)

برنجی مصرعہ مدحک ملکی عرصہ علدن واسع طو-
تیش ایکن ایکیجینسندہ ملک سلیمانن آز کوسترمشدر .
(میوب شعر مجتہک خانی)

تزیین اللسان

— مابعد —

§ حارس المرأة — «آینہ صافلابی» دیکدر .

(آینہ غمازنبود چون بود)

مألفہ آیینہ — کیسہ دن قورقوسی اولدیفندن — علی العادہ
حقیقی کوستر . کوزلی چرکین ، چرکی کوزل کوسترمک
الندن کلز . بناء علیہ :

(عاشق آیینہ باشد روی خوب)

مضونی اوزرہ کوزلر آیینہ بی سورلر سده چرکینلر هچ سومزلر .
بو مناسبله کرہ المنظر اولان شخصہ (حارس المرأة) اطلاق
اولنور .

بری کوزل ، دیکری چرکین ایکی شخصک بر آیدہ بر آیینہ
باقاری نہ قدر عبرتتا بر منظرہ تشکیل ایدر ! کوزل مفتخر
اولور ، چرکین متفخر . آیینہ نک حقیقی کوسترمسی ایکی شخصده
یکدیگرہ ضد ایکی درلو حس پیدا ایدر . هله بونلر زوج وزوجہ
ایسلر منظرہ نک اہمیتی بتون بتون آراتار . چرکین اولان زوج

ایسہ «ارککک کوزلی چرکینی اولماز» کی بعض مقدمات زفریبانہ
ایله برده کش وجہ حقیقت اولغہ جالیشیر . یازوجہ ایسہ ...

§ ایزۃ الحیات — «درزی ایکنہ می» دیکدر . زوالی ایکنہ
جالیشیر جالیشیر ، سیندن هچ بر استفادہ ایدہ من . نہایت : آئینہ ،
قیریلیر ، آئیلیر ، محو اولور کیدر . درزی بارہ قازانیر . صاحب
لباس کیشیر ، سوسانیر . ایکیسده مستفید اولورلر .

ایکنہ نک بو حالی انسانلرہ تطبیق اتمک ایستینلر
باقارلر کہ بر آفرین دایسی کندی ایشلرینی بر اققش ، پیر عشقنہ
بشقلمنک امورینی تسویہ ایله اوغراشیور . ایشہ لسان حالی :

(خلق ایدر داد وستد بز بر تلاش وئی نصاب)

(جارسوی عالمک بز او کادق دلای یز)

دیکدہ اولان او شخصہ (ایزۃ الحیات) درلر . (ایزۃ خیاط)
صورتندہ دخی قوللانیلہ بیلیر .

§ حاطب اللیل — «کیچہ وقتی اودون دوشیرن» دیکدر .
یاوہ کو شخصہ اطلاق اولنور ، چونکہ قارا کلقدہ اودون دوشیرن
بر آدم الہ کیچی آلہ چی کی برکوزدہ دخی آغزینہ کالی سوبلر .
(حاطب لیل) صورتندہ دخی قوللانیلہ بیلیر .

§ حباثل الشیطان — «شیطانک طوزاقلری» دیکدر . دلفرب
اولدقنلر دن نسوانہ اطلاق اولنور . «النساء حباثل الشیطان»
حدیث شریفدن مأخوذدر .

(حباثل شیطان) صورتندہ ده قوللانیلہ بیلیر .

(حباثل) کہ (مصاد) معناسندر (جبالہ نک) جمیدر .

§ غم الشباط — «شباط بولودی» دیکدر . موسم ہار تقرب
ایتنکچہ ہوانک کسب کشایش ایتسی ہر کیچہ مطلوب اولہ جفندن
شباطدہ ستانک معنوم اولسی ہان ہر زماندن زیادہ سالب انبساط
قلوب اولور . بناء علیہ وجودی روحہ صیقینی ورن شخص
کراخبانہ ، خصوصیلہ منفور عشاق اولان رقیب نحوست نشانہ
(غم الشباط) اطلاق اولنور . (غم شباط) صورتندہ دخی قوللار
نیلہ بیلیر .

§ اُم الكتاب — «اصل الکتاب» دیکدر . قرآن کریمدہ
واقع اولمشدر . تفسیرندہ حضرت بیضاوینک «ای اللوح المحفوظ
فانہ اصل الکتاب السماویہ» بیورمش اولسندن استفادہ اولندیغہ
کورہ کتب سماویہ نک اصلی اولان لوح محفوظہ اطلاق اولنور .
قول اقوی بودر . سورۃ فاتحہ نک ویا مجموع قرآنک کنبہ سی
اولدیغہ ذاہب اولانلرہ واردر . بیت آئیدہ قلب عارف حیغہ
ام الکتابہ تشبیہ ایلمشدر .

(یوق قید ماسوی دل قسی جنبادہ)

(اولماز خطا حیغہ ام الکتابدہ)

(ہرسلکی طرف حکمت بک)

مشارالیهک :

(یازق ام الکتاب عشق ایچون تفسیر یوقدر یوق)

(تسلی بخش اهل حال اولور تعبیر یوقدر یوق)

ساحمسی ده لطیفدر . (مابعدی وار)

— فقرة تاریخیه —

(۱۰۰۲) ستمی ذی القعدة سنک اون سکریمی کونی طونه حدودنده واقع (یاق) حصارى عثمانیلر طرفدن محاصره اولتشی ایدی .

اول امرده دشمن، قلعه دن خروج ایله مترساری علی الغفله باصق کبی بعض تدابیر ایله اسلامی خلیجه خساره دوچار ایش ايسه ده سکره دن کوستریان مهاجرات فدا کارانه طایانه، یوب (۱۰۰۰۰) دن زیاده مقتول، محجوج، اسیر بره ارق قلعه یه قاپانغه مجبور اولمشدر .

بو محاربه ده اولجه شهید اولان آردا شلرینک انتقامی آلق غیرتنده بولنان عسکرک، علی الخصوص قایقارله نهرک اوتیه یاقه سنه کین (۲۰۰۰) فدایی دلاورک عثمانیلق شسانه لایق خدمتاری کوردلی .

اردوده بولنان، قضاتین سیروزی کریم زاده افسدی تاریخ مغفرت اولق اوزره «فهزموهم باذن الله» ایت کریمه سنی بولدی . کندیسنه مکافاة تراله قضای احسان اولدی .

ذکر اولنان آیت جلیله (طالوت) ایله جنود قلیله سنک (جالوت) ایله جنود کثیره سنه غلبه ایتدیکی حاکیدر . «وقتل داود جالوت» نص منیق ناطق اولدینی اوزره جالوتی طالوت ایله برلکده بولنان حضرت داود (صایان طاشیله) قتل ایشدر .

کاتب جیلینک روایت کوره او قلعه یه (یانق) دئلی قانوی سلطان سلیمانک (۹۳۵) ده اجرا بیوردینی (بیج) سفرنده حصار مذکور اهالیسی نصلسه کلوب عرض متابعت ایتدیکلرندن صادر اولان فرمان هماون اوزرینه واروش جهتک طوب آتشیله احراق ایدلسندن ایلری گلشدر . او زمان کوجک بر بالاقنه اولدینی حالده سکره دن مستحکم بر قلعه حاله قولتشی ایدی . اصل استی (کولور) در . بالاده کوستریان محاصره نک تیجمی اوله رق (۱۰۰۳) ستمی محرمده محصورین شدتلی بر یوریش وقوع بوله جتی خبر اددیکلرندن استیان ایشلرله فتح اولدی .

— تَرز راکن —

مؤلفی : امیل زولا

— مابعد —

«خالم آتی بکا تکلیف ایتدیکندن، بده (قایمیل) ایچون هج بروفت جاتم صیقلیه جتی ظن ایلدیکم کندیسی قبول ایتدم . . . زرجی یته آتی یاشنده ایکن یاشنده باتش اولدیغ خستدکلی چوجیغز اولق اوزره بولدم . یته اوله جلیز، یته اوله تیز اولدقن بشقه وقتیه بی پک زیاده متغیر ایش اولان او خستنه چوجق رایجه کریمه ده اوزردن آریلوردی . . . بوزلرک حبسی سکا قیصقاج اولمه ک ایچون سوبیلورم . . . بکا بر نوع استکراه کلیر، کلوزک اولوردی، ایچیش اولدیغم علاجلی درخاطر ایدرم، یاندن آریله رق مدش کیهلر کبیردم . . . لکن سنی . . . »

(ترز) طوغریلوب کریمه طوغری قیرله رق، بارماقاری (لوران) ک ایری اللرنده اولدیغی حانده، آنک ککیش اوموزلرینه، قاتین کردنسه باقاردی . . .

سوزیه یته شو وجه ایله دوام ایدردی :

«سنی» سنی سورم، «سنی» (قایمیل) دکاندن ایجری ایتدی کون سودم . . . بر دفعه ده تمایله تسلیم نفس ایتدیگ جهته احتمالک قیمنی بیترسین . . . حقیقت! بو ایش نصل اولدی ایتلم . بن مغرورم، حدیدم . . . »

«برنجی کون، بی بو اوطه ده در آقوش ایدره افکنده زمین وصال ایلدیگک زمان سنی دوکچم کلدی . . . بتم سنی نصل سوبیلوردم، بلکه ده سکا بغض وار ایدی . سنی کورمک بی غضب و تعب ایچنده بر اقبوردی، سن حاضری اولدیگ وقت اعصاب قوبدیج درجه ده کرلیوره ذهیم بریشانی کلپور، کوزلم قرمز کورمه باشلاوردی . آه! نفدر اضطراب چکدم، حال بوکه اواضطرابی آریوردم، سنک کلدی بکایوردم، نفسک داخلنده یورمک، البسه ی بویجه البسه ک طوقندرق ایچون اوطورمقده اولدیگک اسکله ک اطرافنده طولانیوردم، بچرکن سنک قانک بکا اوهیه انداز حرارت اولیور قیاس ایدردم، ایچمدن مقاومت ایتک ایتدیگم حالده بی سنک نزدیکه جذب ایدوب اوراده طوانن شی وجودی محیط اولان بو دلو بر هوای آتشین ایدی . . . بوراده رسم یادیگک زمانتری درخاطر ایدرسین : بر قوه بیره بی سنک یانکچکوب کتیردی، بر لذت مؤله ایله هواکی تنفس ایدردم، بوسه خواه اولور کبی کورندیکم آکلاردم، اسارتدن شرمسار اولیوردم، بکا طوفنه جق اولسه ک دوشه جکی حس ایدردم، خوفه تبعیتله، بی در آقوش ایتکی جدا آرزوانقه ک منتظر اولدیغم حالده، اوشومش کبی لزان اولیوردم . . . » بونک اوزرینه (ترز) غرور کتیرمش، انتقام آتش کبی ترمه بیک سکوت ایدنی . سراسیمه اوش اولان (لوران) ی باغریه باسیوردی، او جیلاق، صوغوق اوطه ک ایچنده محبوس بر حیوانیت ایله ، آرزوی آتشین منظره لری تشکل ایدیوردی، هر تلاق جدید ده شید بر طاق بحر انظره مقارن بولنیوردی . (مابعدی وار)

(مجموعه کک برنجی جلدی بوراده ختام بولدی)

معلم ناجی

(۱. مایوان) شرکت مرتبه مطبعه سی — باب عالی چاده سی ۵۲

